



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1648**

Cap. I. De Albione.

**urn:nbn:de:hbz:466:1-13147**

## LIBER SECUNDVS.

*De Insulis Britannicis secundum veteres.*

BRITANNICAS Antiqui vocauerunt Insulas illas omnes quæ supra Europam, in Septentrionem vergunt teste Plinio. Eas plerique veterum reuocauerunt in dubium; multi nouum orbem dixerunt: vnde Maro,

*Et penitus toto diuisos orbe Britannos.*

Et Claudianus: — *Nostro diducta Britannia mundo.*

Porro in tres partes commodè diuidi possunt: Albionem, Hiberniam, & Minores Insulas.

## CAPVT PRIMVM.

*De Albione.*

ITA dicitur Britannicarum maxima, de qua nobis octo consideranda sunt.

§. 1. *Nomina Britannia.*

*Primum*, Ortelius putat esse dictam CASSITERAM, vnde reliquæ *Cassiterides*, quoniam plumbi feraces erant.

*Secundum*, BRITANNIA: de cuius etymologia variaz opiniones: quarum certissima, eam deducit à voce Britannica *Breith*, quæ coloratum sonat, quia indigenæ sua corpora inficiebant *Glasto*.

*Tertium*, BRITANNIA MAIOR, quo vtitur in suo Almagesto Ptolemæus.

*Quartum*, ALBION vel ab Albione Neptuni filio, vel à Græco *ἄλφον*; quoniam candicantibus rupibus ferè vndequaque præcingitur.

§. 2. *Quantitas & figura Britannia.*

EAM Triquetram fecerunt omnes qui à Galliâ reuulsere, cui

Y



aliqui veterum eam alligabant, alij ab eâ separatam æstu maris credebant.

*Longitudo* eius Straboni est 4300. vel 4400. Stadiorum. Marciano Heracleotæ 5225. Cæsari 800. M. P. Solino 880. M. P. Xiphilino ex Dione 7132. Stadiorum. Diodoro Siculo 20000. Stadiorum.

*Latitudo* Plinio & Agrippæ 300. M. P. Xiphilino minima 300. Stadiorum, maxima 2310. Heracleotæ 3083. Cæsari D. M. P. Diodoro 7500. Stadiorum.

*Circuitus* Cæsari 2000. M. P. Pythææ & Isidoro apud Plinium 3825. M. P. Solino 4875. M. P. Diodoro 42500. Stadiorum.

### §. 3. *Qualitas Britannia.*

IN ea considerantur fertilitas, & merces.

**FERTILITAS.** Terra erat ad eò frugum ferax, vt tempore Iuliani Galliam & Germaniam penè alucrit; ita Zosimus & Marcellinus. Quamquam enim ex climate sit frigidior, nihilominus etiam veteres temperatiorem experti sunt; siue tepor existeret ex circumposito mari vt vult Minutius Felix, siue cum Tacito causam in humorem cæli, atque soli refundamus.

**MERCES** autem exportabantur ex Britannia.

1. *Metalla* omnis generis si æs eximias: hoc est Aurum, Argentum, Ferrum, & Stannum optimum.

2. *Pelles*, ob venationes in quibus toti erant indigenæ.

3. *Mancipia* proceræ staturæ, sed pedibus malè suffultis. Strabo.

4. *Canes venatici* quos *Agasseos* vocabant: qui etiam hodie teste Camdeno nomen retinent *Agasse-hound*.

5. *Gemmæ*, & *Margaritæ*, Indicis tantum inferiores. *Gagates* idem quem lithanthracem esse suspicatur Agricola.

### §. 4. *Mores Britannorum.*

CUM conflati essent ex multis populis qui aliàs in eam confluxerant, vt putat Tacitus, non est mirum diuersos in eis extitisse mores.

**VESTES** aut pelliceas gerebant, aut nullas. Inficiebant enim sua corpora vitreo colore, seu vitro, hoc est Glasto, vnde caru-



leus color existerat. Hoc autem colore pingebant in suo corpore diuersas belluarum formas, quas etiam plerumq; ferro exarabant. Solabant & ceruicem ventremque ferro præcingere, capillum nutrire, barbam radere præter labrum superius.

CIBVS. Agros non colebant, sed eis victum terra inculta, aut venatio sufficiebant: Nunquam gustabant pisces. Consciebant & cibi genus, cuius si quis gustasset ad fabæ magnitudinem, nec esuriebat, nec sitiebat ad multos dies.

POTVS ex hordeo, *Cumi* vocat Dioscorides, hodie voce leuiter inflexa Britannicè *Kuurnu*.

PECVNIAE. Vtebantur nummo æreo, aut anulis ferreis ad certum pondus examinatis, ita Cæsar. Nam ferrum instar auri habent, inquit *Diodorus*.

DOMVS. Habuere tentoria, & casas in nemoribus extructas. *Strabo*. Pro oppidis sylvas impeditas, vallo & fossa munitas, in circulum dissectis arboribus. Tamen ad mare crebra ædificia & Gallicis similia visebantur, ob colonias ex Belgica emissas. *Cæsar*.

NYPTIAE. Vxores habebant deni, duodenique communes maximè fratres, & affines: *Cæsar*, *Xiphilinus*. Imò & plures vnam *Eusebius* 6. de præp. Euang. Vxoribus palam miscebantur. *Dio*.

BELLVM. Pugnacissimi erant, *Herodianus*, arma eorum gladius breuis, clypeus, & hasta, *idem Herod.* pugiones tantum eis tribuit *Xiphil.* ad inferiorem hastæ partem pomum affigunt ex ære cuius sonitu terrent hostes, *idem Xiphil.* Pugnabant ex curribus quos Couinos vocabant; *Cæsar*, *Mela*, *Strabo*: pugnabant tantum ex insidiis. Macris utebantur equis, sed velocissimis, ipsique pedites expeditissimi: victores autem auidissimi cædis, *Dio*.

### § 5. Politia Britannorum.

ANTE aduentum Cæsar nullius aduenæ iugum subierant, *Diodorus*. Quod tamen de Gallis intelligendum non est: nam tempore Cæsar Diuitiacus Rex Sueffionum hic rerum potiebat. Reges autem suos habebant, & plerumque Reginas.

Itaque Cæsar primus Romanorum eos subegit, imò ait *Tacitus* potiùs indicauit quàm tradidit Britanniam. Sub Nerone durius habiti multos Ro. conciderunt, *Buduicâ* Regina ducente ordines: repressi sunt tamen per *Suetonium Paulinum*. De his



egit triumphum magnificum Claudius. Sub Domitiano, Agricola totam terruit aut vicit. Hadrianus Barbaros primus muro submouit. Sub Antonino Pio per Lollium iterū deuicti, & nouus excitatus est murus. Seuerus motibus renouatis multos cecidit, multos ex suis perdidit, & tandem murum excitauit qui adhuc nomen eius seruat. Turbati sæpe temporibus Diocletiani, Iuliani, Valentiniani. Sub Gratiano fortiter à Maximo defensi; item & sub Honorio à Stilicone: sed ab eodem Honorio sibi consulere iussi. Aëtius tamen iis opem aliquam attulit. Demum sub Theodosio iuniore legionibus ad tutelam Galliæ euocatis, Pictorum & Scottorum crudelitati expositi sunt. Quapropter ab indigenis euocati in auxilium Saxones, qui ex hospitiibus domini facti sunt, vnde exortum est Anglorum Imperium, de quo agemus in recenti diuisione.

#### §. 6. Religio Britannorum.

DVAS maximè colebant Deas *Adrasten*, seu *Andrasten* quæ fortè eadem est cum *Adraistiâ* Græcorum, quo nomine dicebatur *Nemesis*. Alteram *Andaten* quæ victoria est, *Dio*. Coluere & *Mineruam* ut vult *Solinus*.

De eorum cerimoniis quatuor habemus. *Primum* captiuo cruore aras adoleuisse. *Secundum* hominum fibris Deos consulere, ita *Tacitus*. *Tertium* religioni duxisse gustare leporem & anserem, hoc tamen extremum negat *Plinius*. *Quartum* habuisse communes cum Gallis Sacerdotes, nempe *Druydæ*, per quos in Galliam translata religio, *Cæsar*. Certè ij *Druydæ* in *Mona insulâ* ad *Vespasiani* tempora perdurarunt.

#### §. 7. Lingua Britannorum.

SERMO fuit Britannis, Gallisque communis *Tacitus*. Quod colligitur ex vocibus Britannicæ linguæ quæ adhuc in *Vallia* viget. Apud Gallos Iuppiter Tonans dicitur *Taramis*, Britannicè *Taran* Tonare est. *Caterua* & *Cataya* voces Gallicæ sunt, *Kad* Britannis bellum sonat. *Corinum* vehiculi Belgici genus *Kouain* illis est curru vehere. *Armoricæ* ciuitates, & *Morini* à mari nomen habuere *Ar-Mor*, ad mare significat. Sed clarissimum istud *Aufonij*,

*Deuona Celtarum linguâ fens addite Diuis.*



At Britannicè *Diuv Deum*, *Vvona* fontem sonat. Huc spectant & maiorum Galliaë Fluminum nomina Garumna Fl. rapidus, Britannicè *Garun* rapidus: Araris lentus, *Arar* lentum significat: Rhodanus incitatissimus, Britannicè *Rhedec* velociter currere est.

CAPVT II.

*De Hibernia.*

IN ea quinque excutienda sunt.

§. I. *Nomina Hibernia.*

PRIMUM est *Hiera* à voce Hibernicâ *Hiere* quæ Occidentem significat: aliæ itaque etymologiæ ridiculæ sunt. Malè ergo Festus Auienus putans vocem esse Græcam appellauit *Sacram*.

SECUNDVM *Iris* apud Diodorum Sic. & verò nunc ab indigenis *Exim* dicitur.

TERTIVM *Ierne* quo Strabo, Claudianus, & alij vtuntur.

QUARTVM *Iuerna* quod apud Solinum, Melam, & Iuuenalem legitur.

QVINTVM *parua Britannia*; sic eam nominauit Ptolemæus in *Almagesto*.

SEXTVM denique *Hibernia*, quo Cæsar, Ptolemæus in suâ *Geographiâ*, & alij passim vti.

§. 2. *Quantitas Hibernia.*

EI duplo minor extensio quàm Britannia à *Cæsare* tribuitur: *Solinus* ait proximare longitudine Britanniaë, *Pomponius* vtramque parem malè crediderunt.

LONGITVDO apud Plinium ex computo Agrippæ VI. c. P. M. tribuitur. Ptolemæo 2560. Stadiorum, seu 320. P. Millium: Martiano Heracleotæ denique 1834. Stadiorum.

LATITVDO Plinio est ccc. M. P. Ptolemæo 2060. Stadiorum, Heracleotæ 1834.